


0 10 20 30 40 50 60 70 80 90 100 110 120

信 676.41
867.1
=2

Kodak Color Control Patches

4
5
6
7
8
9
10
11
12
13
14
15
16
17
18
19
20
21
22
23

2
3
4
5
6
7
8
9



顧亭林先生年譜卷二

後學平定張穆編

十一年甲午四十二歲

春至金陵卜居神烈山下

元譜 穆案神道表先生
僑居神烈山下徧游沿江

一帶以觀舊
都畿輔之勝

由儀真歷太平登采石磯東抵蕪湖

秋游燕子磯畱宿僧院至冬始還

元譜

是年長甥乾

學以選貢入成均

穆據檐
園集補

弟三甥元文鄉試中式

舉人

元譜

先生此數年未歸崑山觀松江別友人詩言十載違

鄉縣三年旅舊都可知矣

徐譜

是年詩有金山一首僑居神烈山下一首古隱士

二首真州一首太平一首蠓磯一首

元譜磯在蕪湖江上

一首久留燕子磯院中一首

徐譜詩云寄食清江院從秋又涉冬蓋冬

盡又歸神烈僑居故明年元旦得在陵下

范文正公祠一首錢生肅潤

之父出示所輯方書一首

元譜肅潤字楚日無錫人著有南忠錄諸書

十二年乙未四十三歲

二月初五日午刻江南地震六月初八日地又震

元譜

元旦四謁孝陵

穆補

春自金陵還崑山

五月十三

日擒叛奴陸恩數其罪沈諸水叛黨復投葉氏訟之

官移獄松江

元譜先生贈路光祿詩序云先是有僕陸恩服事余家三世矣見門祚日微

叛而投里豪余持之急乃欲陷余重案余聞亟擒之數其罪沈諸水其婿復投豪訟之郡行千金求殺余余既待訊法當囚繫乃不之獄曹而繫諸豪奴之家同人不平為代愬之兵備使者移獄松江府以殺奴論豪計不行而余有戒心乃浩然有山東之行矣神道表獄日急有為先生求救於某公者某欲失先生自稱門下而後許之其人知先生必不可而懼失某公之援也乃自書一刺與之先生聞之急索刺還不

得列揭於通衢以自白某公亦笑曰甯人之下也曲周路舍人識兵備使者乃為愬之始得移訊松江而

事解穆案為先生求救者歸高士元恭某公者謂

錢謙益也謙案歸元恭集與葉嶠初書弟到郡時

知甯人兄窘於事勢將有不測輿論亦多以為兄為已

甚故弟語稍激切然論其究竟愛甯人亦所以愛兄

頌譜卷二

二 粵雅堂叢書

也已而崑老輩委曲相勸兄亦動惻隱之心要於兄之自為計亦大便而弟輩則羣而誦兄之高義昨在西郊文初子佩諸君及二三遠方友人問及弟公言於衆曰此事誤在顧而葉能不終訟可謂仁人君子人皆服兄為有量及歸寓忽聞有變局為之大驚兄嘗謂甯人城府深密機械滿腹兄前已諾和議而忽出取難之題目迫之以必不能從之事是名雖曰和實欲戰也兄豈亦有城府機械邪崑老極和平之人亦以兄為太甚今將去矣弟亦即日同國馨去矣但思兄若不冒就和即和而必欲云云甯人計無復之必自經溝瀆無疑也陸恩人奴也尚不可殺而迫其主以取償甯人非尋常無聞之人又事無死法而一旦迫之致死於兄便乎不便乎甯人無親子弟料死後必無與申冤者即有兄自當有以待之固知殺甯人萬萬無害獨不畏清議乎甯人腹笥之富文筆之妙非弟一人之私言即灌老諸公皆擊節稱賞四方之士見其詩古文者往往咨嗟愛慕兄能殺甯人之身能并其生平之著述而滅之乎使天下後世讀其

詩古文者以為如此文人而殺之者乃葉嶠初也此名美乎不美乎自古文人之受禍者如子蘭殺屈原姚賈殺韓非後世讀離騷及三公子之書無不唾罵子蘭姚賈陳同甫為小人構陷入獄每讀其傳為之髮指皆裂以兄平日自待之高明何苦而為此事邪想兄之意以為甯人即死於牢獄死於桎梏不得謂嶠初殺之吾誰欺當世士大夫有口亦可畏也凡此之言皆所謂愛甯人即以為愛兄也云云核其語意松江之獄所由來歟徐譜先生乙未年答原一公肅兩甥書云奴隸鴟張親朋攔倒或有聞死灰之語流涕而省韓安覽窮鳥之文撫心而明趙壹終憑公論得脫危機謂此事也

是年詩有元旦陵下作一首歸生屐陳生芳續書

來荅之一首贈路光祿太平一首

事上規模闊大好仿佛漢光武平時恩舊皆以南陽故人目之如路振飛遠隔三吳募能召至者賞

銀五百兩給以六品京秩振飛至即日拜相官其子太平為卿 又案餘集王國翰墓志稱太平嘗奉桂王命徵兵於外 訓王生仍一首永夜一首訓

陳生芳績一首

穆案芳績字亮工常熟人處士鼎和之子先生避難語濂涇時與鼎

和比鄰亮工時猶少也著有歷代地理沿革表四十七卷道光十三年其鄉人張觀察大鏞為刊行之 贈路舍人一首錢行人邦寅一首

十三年丙申四十四歲

春獄解回崑山 三月本生母何太孺人卒 閏五

月至鍾山舊居獄解後葉氏憾不釋遣刺客偵所往

至是追及於金陵太平門外擊之傷首遇救得免

是月初十日五謁孝陵 冬在鍾山度歲

元譜

是年詩有松江別張處士慤王處士燁諸友人一

首贈潘節士櫟章一首

櫟章字力田吳江人傢堂之兄

恭謁孝陵

一首王處士自松江來拜陵畢遂往蕪湖一首

穆案

處士即下同游柵洪橋之王潢乙卯年閏五月十日詩有云更憶王符老飄零恨不同自注王徵君潢昔日同謁孝陵行 桃葉歌一首黃侍中祠一首

香今年七十七矣 先生自注在南京三山門外柵洪橋謙案柵洪橋祠今已無迹可尋城中金陵閣之祠蓋續建也

王徵君潢具舟城西同楚二沙門小坐柵洪橋下

一首

謙案潢字元倬上元人父之藩慷慨好義潢能色養崇禎丙子舉於鄉先是戶部郎中倪

篤之薦於朝以賢良徵不就念世亂親老賦南陔詩以見志著有南陔集見江寧府志及上元縣志

穆案明詩綜引顧甯人論元倬詩云先生詩攝深以婉和而摯不失三百篇溫柔醇厚之旨

山一首賈倉部必選說易一首

穆案江寧府志儒林賈必選字徙南

上元人萬歷己酉舉人官戶部主事筦西新倉時巨璫總理兩部復遣其黨分伺六倉必選盡黜陋規無所染璫為稍斂會同官倪篤之以屯豆下獄必選知其冤據事陳辨謫九江幕俄遷桂林司理升南工部虞衡司未任丁父艱歸即杜門不出以講學著書為事卒年八十七著松蔭堂學易行世

旅中一首謝王處士九日見懷一首送張山人應

鼎還江陰一首

穆案道光二十年新修江陰縣志藝文門采先生此詩而應鼎之名

字翳如然則山人信能卉布荷衣鴻冥塵外者矣

和陳生芳績追痛兩尊

人之作二首

作方月斯詩序

謙案月斯佚其名穀城人明輔臣岳貢之子甲申後賣卜吳門夏節

愍完淳集有贈方穀城遺孤流落郡中詩先生序謂與方子訂交自單闕之歲今且六年矣余客鍾山而方子亦僑居雲間不數數見頃冬春之際余以仇家之訟至雲間逆旅中困不自聊而方子時相過慰藉與余周旋兩月因出其詩草示余讀之云云以時事攷之當在是歲無疑

十四年丁酉四十五歲

元旦六謁孝陵

徐譜案元日詩云晨興自江上踰嶺走鍾山又云流轉雖不居咫尺猶天

顏蓋先生是時雖寓金陵而非神烈山之居矣

春自金陵仍返崑山避讎

將北游同人餞之歸元恭為文以贈其行

元譜序曰余與甯人

之交二十五年矣其他同學相與或二十年或十餘年蓋未嘗有經歲之別也今於甯人之北行也而不能無感慨焉甯人故世家崇禎之末祖父蠡源先生暨兄孝廉捐館一時喪荒賦徭蠲集以遺田八百畝典葉公子券價僅當田之半仍靳不與閱二載甯人請求無慮百次乃少畀之至十之六而逢國變公子者素倚其父與伯父之勢陵奪里中其產逼鄰甯人見顧氏世衰本蓄意吞之而甯人自母亡後絕迹居山中不出同人不平代為之請公子意弗善也適甯人之僕陸恩得罪於主公子鈎致之合誣甯人不軌將興大獄以除顧氏事泄甯人率親友掩其僕執而箠之死其同謀者懼奔告公子公子挺身出與甯人訟執甯人囚諸奴家協令自裁同人走叩憲副行提始出甯人比刑官以獄上甯人殺無罪奴擬城旦憲副與公子年家然心知是獄冤又知郡之官吏上下大小無非公子人者乃移獄雲間守坐甯人殺有罪奴疑杖而已公子忿怒遣刺客戕甯人甯人走金陵刺客及之太平門外擊之傷首墜驢會救得免而叛

奴之黨受公子指糾數十人乘間劫甯人家盡其屢世之傳以去甯人度與公子訟力不勝則浩然有遠行而同人之知甯人者攜尊榼送之酒半作而言曰甯人之出也其將為伍員之奔吳乎范雎之入秦乎吾輩所以望甯人者不在此夫宣尼大聖猶且遭魘畏匡文王之仁不殄厥愠甯人之學有本而樹立有素使窮年讀書山中誰復知甯人者今且登涉名山大川歷聘六國以廣其志而大其聲施焉知今日困阨非甯人行道於天下之發軔乎若曰怨仇是尋非賢人之志別離是念非良友之情於是同人咸曰善請歌以壯其行至萊州與掖趙汝彥士完任子良唐而歸子為之序

臣定交
元譜士完字汝彥崇禎壬午舉人遭亂後棄家而南羈栖廢寺弟士冕官鎮江太守物色得之強之歸士完故萊之巨族從兄士喆入復社有名同懷兄士元士亮士寬弟士冕並以才稱唐臣字子良貢生弟虞

從唐臣假吳才老韻譜讀而校之

臣亦以學問著

過卽墨游勞山 由青州至濟南與徐東癡夜張稷

若爾岐定交 元譜東癡初名元善字長公慕嵇叔夜

城人東髮能詩年二十九遭難母死遂棄諸生南游

江浙西游宛鄧歸遂不出舉博學鴻詞以老病辭為

文章原本經史王漁洋嘗索其稿但遜謝而已後往

江西渡滄陽稿盡沒於水漁洋為撫拾遺詩二百餘

首付之梓稷若名爾岐號蒿庵濟陽諸生先生與汪

鈍庵書云張君稷若所作儀禮鄭注句讀一書根本

先儒立言簡當使朱子見之當不僅謝監獄之稱許

也又與鈍庵論師道書云獨精三禮卓然經師吾不

如張稷若日知錄於喪禮停喪二條內備載稷若之

說 穆案稷若生於萬曆四十年壬子長先生一歲

稷若歿先生以詩哭之云歷山東望正悽然忽報先

生赴九泉寄去一書懸劍後貽來什襲絕韋前衡門

月冷巢鷺室墓道風枯宿草田從此山東問三禮康

成家法竟誰傳此詩亭林集不錄附見蒿庵集末

是年詩有元旦一首萊州一首安平君祠一首不

其山一首勞山歌一首 徐譜案詩云春日會鼓聲

張饒州允掄山中彈琴一首 穆案進士履歷便覽

崇禎甲戌進士戶部主事丙子升員外丁丑升郎

中戊寅升饒州知府 徐譜此詩亦作於游勞山

也 淮北大雨一首濟南一首秋柳一首訓徐處士

元善一首 徐譜夜亦有九日得顧甯人書約游黃

山詩云故國千年恨他鄉九日心山陵

餘涕淚風雨罷登臨又以善勸先生為昌平承

天之行則先生後此之謁天壽山處士啟之也

作汝州知州錢君行狀 元譜公子大受字伯衡歲

勞山圖志序 穆案池北偶談引先生勞山說注日

又與前儀禮鄭注句讀序齊四王家記

十五年戊戌四十六歲

春至泰安登泰山

元譜 穆案金石文字記岱岳觀造像下曰碑下為積土所壅予來

游數四最後募人發地二尺下而觀之乃得其全文又宋董元康題名下云右小石刻在岱岳觀余既錄

唐碑往還數四道士謂予曰昨發地得二石請觀之云云據元譜先生凡至泰安者三記申云云未得其

年謹志於初游旋赴兗州至曲阜謁孔林往鄒縣謁周公廟

孟廟過鄒平游張氏萬斛園

元譜故明兵部尚書張延登所居與邑

人馬宛斯驕訪碑郊外

穆補 金石文字記鄒平縣南五里有景相公墓景氏之裔自洪武間有兩舉人今亦尚有諸生不能記其祖矣予至其邑有諸生二人來稱景氏之孫請問其祖

為誰予取通鑿及五代史周世宗紀示之乃謝而去開一日往郊外視其墓碑雖剝落者十之一二而其

曰故中書侍郎平章事景公諱範字甚明白云云又譎觚云此僕在鄒平與邑人宛斯馬君名驕視訪其

碑而錄之者池北偶談馬驕字馳御一字宛斯順治已亥進士仕為淮安府推官終靈壁令生而清羸

博雅者古尤精春秋左氏學著釋史一百六十篇篇為一卷始開闢原始迄今人表其書最為精博時

人稱為馬三代崑抵章邱訪張隱君元明元譜隱君山顧亭林尤服之名光啟世

居章邱自雲湖上少為名諸生崇禎庚辰年四十遂棄舉子業闢一園曰省園以種樹藝花自樂亂後足

不履城市年八十餘卒有張仲集詩若于篇漁洋為刪存百餘篇傳之

君果庵家

元譜隱君名孔懷號果庵長山人精於考覈先生主其家與之辯析疑義所著有四

書字徵詩經辯韻五經字徵復至濟南元譜訪徐東癡范文正公流寓長山攷諸書

穆補案東癡有顧甯人見過草堂得張元明手書詩云江南有客來荒陂手持一緘兼致辭我聞整衣拜且展中有故人書及詩云云再赴萊州之濰縣入以元譜校之必此年事也

都至薊州歷遵化玉田抵永平登孤竹山謁夷齊廟

是年先生從子熊登武科進士元譜謙案崑新合志熊字非熊又字

爾策性耽文史不樂仕進嘗輯其先世自上海遷崑宗譜簡覈有體為從父炎武所稱

是年詩有登岱一首謁夫子廟一首七十二弟子

一首謁周公廟一首謁孟子廟一首萬斛園小集

一首仙隱祠二首濟南一首自笑一首詠韭溪草

堂聯句見懷一首濰縣一首衡王府一首督亢一

首京師一首薊州一首玉田道中一首永平一首

謁夷齊廟一首

十六年己亥四十七歲

出山海關返至永平之昌黎著營平二州史事六卷

元譜先生在永平適永平府志成求先生作序因著此書作序應之至昌平州初謁

天壽山元譜穆案昌平山水記天壽山在州北一十八里永樂五年七月皇后徐氏崩上命禮

部尙書趙祖等往擇地得吉壤於昌平縣東黃土山及車駕臨視封其山為天壽山以七年五月己卯作

長陵自是列聖因之皆兆於長陵之左右而同為一域焉出居庸關仍返山東

元譜抵鄒平訂其縣志穆據鄒平縣志補施尙白縣志序是時北都張奉之請告家

居藏書多善本博采勤蒐進士馬宛斯討核詳實而
吳門顧甯人自上谷來悉授以校之書遂成凡八卷
順治歲次己亥九月督學使者施閏章書尙白宣城
人號愚山晚號矩齋順治己丑進士由江西參議召
試鴻博授侍講 逕長清訪碑靈巖山寺 穆補金石

寺宋李迪詩下云右小石刻在長清縣靈巖山寺中
其山距府九十里白前代稱為勝境宋金元人題字
取多余至則當兵火之後從橫偃踏委之荆棘瓦礫
之中然猶得唐一宋金元合四十餘以後不能悉數

南歸次揚州旋復北上至天津度歲 徐譜案秋雨詩

一望無高深顧與治詩序云余行三歲乃歸揚州而
與治卒又與江南諸子別詩云雲生岱北天多雨水
決淮壩地有魚蓋秋水之時先 是年八月以雲南
生正南下旋復北行至天津也

平 特詔再行會試 穆補 甥元文登進士一甲一名

元譜 穆案順治己亥進士履歷便覽徐元文榜姓
陸庚子奉 旨復姓又立齋序歷代宅京記曰曩
者大廷對策謬荷先帝國士之知先生勗曰必有體
國經野之心而後可以登山臨水必有濟世安民之
識而後可以 同里葉方藹一甲三名 徐譜方藹字子
攷古論今 詔庵方恆 吉號詔庵穆案
之胞弟也

是年詩有寄弟紆及友人江南三首山海關一首

望夫石一首昌黎一首三屯營一首恭謁十三陵

一首 穆案十三陵者成祖永樂長陵仁宗洪熙獻
陵宣宗宣德景陵英宗正統裕陵憲宗成化
茂陵孝宗宏治泰陵武宗正德康陵世宗嘉靖永
陵穆宗隆慶昭陵神宗萬曆定陵光宗泰昌慶陵
嘉宗天啟德陵凡十二陵 王太監墓一首 穆案昌
合懷宗思陵為十三也 平山水

記大行皇帝攢宮門外右為司禮監太監王承恩墓以從死耐焉

劉諫議祠一首
自注在昌平舊縣今廢謙案諫議名贊字去華昌平人元時以昌平驛官宮祺奏請始為之立祠元

史泰定二年置諫議書院於昌平縣者此也
居庸關二首重登靈巖一

首秋雨一首與江南諸子別一首天津一首舊滄

州一首

作曳梯郎君祠記

十七年庚子四十八歲

二月至昌平再謁天壽山入都 六月仍赴山東

秋南歸過六合 穆案車君以過六合為明年由浙回蘇後事誤 抵金陵七謁

孝陵 元譜 徐譜神道表云既謁長陵念江南山水有未盡者復歸六謁孝陵作詩云問君何事三

千里春謁長陵秋孝陵是也穆案先生實七謁孝陵表云六謁誤 是年長甥乾學

中式順天舉人 元譜 女甥婿申穉舉南省鄉試弟 一穆

儋園集補穉字叔旆號梅江吳縣人明大學士時行會孫也先生又有姪女嫁太倉王吳弇州山人之裔

也字維夏號碩園前明諸生善詩歌古文吳梅村歎其才為天下無雙已未膺大科薦力疾入試報罷旋卒

詔授中書顧張思雪亭筆記曰碩園娶亭林姪女少受業於亭林故學有根柢云

先生是時寓居淮上案書吳潘二子事云潘子刻國

史攷異三卷寄余於淮上即謂是年也贈黃師正詩

揚州九月中煨芋試新酎又顧與治詩序云冬余過

六合沈子遷出與治詩一編皆先生此年南歸後行

蹤也徐譜

是年詩有再謁天壽山陵一首送王文學麗正歸

新安一首元譜自注生舊在金侍郎聲幕府案金正希聲於順治乙酉募鄉勇起義徽州

十月大兵破荅徐甥乾學一首白下一首重謁

孝陵一首贈林處士古度一首元譜古度字茂之一字那子福清人

時年已八十一亂後僑寓金陵著有茂之詩選贈黃職方師正一首元譜

建陽人案職方生平無致繹詩意當亦受唐王職既敗而遁於金陵者

作顧與治詩序元譜謙案與治字夢游江寧貢生河南副使璉之曾孫當選官棄去

王偉今世說述其軼事頗詳 穆案車君以與治詩序為明年辛丑作案云此過六合作顧詩序一

則元譜未載今攷車君蓋誤以歸次揚州為今年事故誤以序中明年字屬之辛丑也

十八年辛丑四十九歲

是年為明桂王永曆十五年七月緬酋殺由榔從官十

二月獻由榔於大軍明年四月殺於雲南徐譜

回蘇至杭州渡江謁禹陵弔宋六陵 閏七月仍返

山東 十二月立春日輯山東攷古錄成元譜 穆案四庫書

提要存目載此書云王士禛居易錄記炎武嘗預修山東通志或是時所遺稿本未可知也案居易錄明

言通志修於癸丑是為康熙十二年也提要誤 是年申穉成進士穆補 穉由內

閣中書改禮部主事進郎
中出為廣西提學僉事

是年適越往來皆由吳江之江村書潘吳二子事云

余往越州兩至其廬蓋至吳江即訪潘力田也徐譜

是年詩有杭州二首元譜指路王禹陵一首宋六

陵一首顏神山中見橘一首元譜山在益都許

為餘姚呂裁之章成作呂氏千字文序元譜謙案

章成字裁之號秋崖大學士本曾孫與陳南輝張

明弼楊體元為意氣交函輝從事紹興薦章成為

翰林待詔章成曰悍將驕兵日事寇抄越城中顛

躡狼狽救死不遑豈復可為之日邪卒辭不赴函

輝死章成走哭於台州意有所觸則惘惘獨行欲

得異人而友之訪戴易於鄧尉遇顧炎武於昌平

山慷慨賦詩歷吳齊燕粵無所遇乃歸名其藏書

之室曰蓼園曰予集於蓼誰謂荼苦者病中自戲

其著述曰此無用之虛談也所存有浴日樓集八

卷秋崖詞據志載識先生於昌平山先生自己亥

庚子壬寅甲辰己酉丁巳先後凡六至昌平

此作序時已再至當是與章成相遇後矣

康熙元年壬寅五十歲

正月由山東入都 三月至昌平三謁天壽山十九

日謁懷宗櫬宮元譜昌平山水記大行皇帝御宇

南距西山口一里餘遣工部右侍郎陳必謙等營建

未畢而都城失守賊以大行皇帝大行皇后周氏梓

宮至昌平州之士民率錢募夫葬之田妃墓內移田

妃於右帝居中后居左以田妃之梓為帝梓斬蓬壺

而封之後乃建碑亭各一座門三道殿三開無陛兩

陵皆曰贊宮實陵而名不以陵春秋之法君弑賊不
討不書葬實葬而名未葬今之言陵者名也未葬者
實也實未葬而名葬臣子之義所不敢出也故從其實而書之也
出古北口往薊

州仍至昌平 五月二十八日先生誕辰有致饋者

作書辭之 至真定之新樂 元譜日知錄木刀溝條
自注余過新樂林君華

院見示所修縣志云云 穆案順治十八年緡
紳新樂知縣林華院疑山福建莆田人拔貢 抵曲

陽謁北嶽恆山 元譜 穆案金石文字記北嶽廟李
復詩下云右詩在真定府曲陽縣北

嶽廟中廟有唐時大碑五其上層為積土所蓋而
余至時倉卒求梯不可得止就下方讀之云云 至

井陘 十月至大同之渾源州 度汾河至平陽府

元譜 是年公肅甥以江南奏銷案呈誤謫官鑾儀衛

經歷 穆據有撰
堂集補

是年詩有有事攢宮時聞緬國之報一首古北口

一首五十初度時在昌平一首 元譜日知錄生日
條下自注余昔年

薊門生口有致
餽者答以書 北嶽廟一首井陘一首一鴈一首

徐譜先生之西征也以初冬就道故井陘詩云壑
冰當路白一鴈詩云一鴈渡溪河河邊積雪多也

堯廟一首 元譜案臨汾志堯陵在城東七十里有
廟有金泰和二年碑記先生於日知錄

帝王陵條詳載諸說頗以臨汾志為
疑是時先生經游其地故有此作

有謁攢宮文郡國利病書序北嶽辨

二年癸卯五十一歲

正月自平陽登霍山

元譜謙案詩有春雪覆杉松句故知當在正月也 穆案金石

文字記霍山廟建文碑下云右小石刻在霍山中鎮廟西壁上余行天下見洪武永樂以來祭告岳瀆之

文及它碑記甚多獨未有建文年者乃此文雜於數十百碑之中而字畫完好無缺故亟錄之 游女

媯廟

元譜在趙城縣東八里

至太原訪傅處士青主

元譜傅名山字青主

初字青竹號齋廬別號公之它陽曲人少受知於袁臨侯繼成崇禎中臨侯總督九江軍務為巡按御史

張孫振誣劾破逮山職納橐餽伏闕上書曰其冤馬君常作義士傳比之裴瑜魏劭亂後為道士喪以醫

為業工詩文普畫入逸品康熙已未召試博學鴻詞不應授中書舍人復不就 穆案臨侯於崇禎七年

由主客員外郎擢山西提學僉事巡按御史張孫振因請屬不應誣劾之其總督九江軍務則在崇禎十

五年元譜敘述殊舛 又案青主生於萬曆三十四年丙午長先生七歲潛邱劉記老友山右傅青主先

生顧甯人極稱其識字先生廣師篇云蕭然物外自得天機吾不如傅青主潘耒遂初堂集出太原郡城

東行可七八里有寺曰永祚雙塔巍然捎雲礙日見之四十里外浮浮若旌幢焉其下為松莊傅隱君先

生所居也 十七史商榷昔顧甯人宿傅青主家晨未起青主呼曰汀芒矣甯人怪而問之青主笑曰子

平日好談古音今何忽自昧之乎甯人亦不覺失笑古音天呼若汀明呼若芒故青主以此戲之穆案天

呼若汀雖本之陳第毛詩古音攷然實誤與先生之論音不合也青主一時戲言故先生亦不復置辯

至代州游五臺與富平李子因篤遇遂訂交

元譜李

更字子德陝西富平籍山西洪洞人邃於經學著有受祺堂集康熙已未試鴻博授檢討以母老辭不許

表三上乃允 徐譜案先生於康熙已未與子德書云弟行年四十九是子德生於崇禎四年辛未少先

生十八歲而先生作子德之父墓志云崇禎七年因篤方三歲三蓋四字之譌也 穆案受祺堂集酬杜

受祺堂集康熙已未試鴻博授檢討以母老辭不許表三上乃允 徐譜案先生於康熙已未與子德書

讓水詩注曹司農秋岳觀察大同陳使君祺公分藩
 鴈門予雷此凡八年又王山史山志天生從陳祺公
 於塞上日事博綜九經諸史靡不淹通祺公視爲畏
 友投契之深有同骨肉天生以是無內顧憂而益肆
 力於學及祺公備兵鴈平攜以入代復爲具橐資游
 圭組之英蓬華之彥俱與交歡傳青主顧甯人朱錫
 鬯輩尤以古道相底厲 陝西通志顧炎武嘗集杜
 句題贈因篤云文章來國士忠厚與鄉人 鶴徵錄
 富孫案子德先生少孤外祖田時需撫之成立受業
 其門吾鄉曹倦翁觀察三晉先生以故人子相從因
 善代州馮觀察雲驥雅愛其風土人物居句注夏屋
 間者十年穆案倦翁名溶字潔躬又字秋岳秀水人
 崇禎丁丑進士順治初由戶部侍郎出爲廣東布政
 使左遷山西陽和道裁缺候用旋丁母憂歸不復出
 雲驥字訥生代州人順治乙未進士 在汾州聞執友
 就大同教授官至四川提學僉事

吳赤溟炎潘力田檀章遭湖州莊氏私史之難遙祭

於旅舍

元譜 先生書吳潘二子事云蘇之吳江有
 吳炎潘裡章二子皆高才當國變後年皆二

十以上並棄其諸生欲成一代史書以繼遷固之後
 會湖州莊氏難作莊名廷鑑目雙盲不甚通曉古今
 以史遷有左邱失明乃著國語之說奮欲著書其居
 鄰故閣輔朱公國楨家朱公嘗取國事及公卿誌狀
 疏草命胥鈔錄凡數十秩未成書而卒廷鑑得之則
 招致賓客日夜編輯爲明書書冗雜不足道也廷鑑
 死無子家貲可萬金其父允城流涕曰吾三子皆已
 析產獨仲子死無後吾哀其志當先刻其書而後爲
 之置嗣遂梓行之慕吳潘盛名引以爲重列諸參閱
 姓名中書凡百餘秩頗有忌諱語本前人詆斥之詞
 未經刪削者莊氏既巨富浙人得其書往往持而恐
 嚇之得所欲以去歸安令吳之榮者以贖繫獄遇赦
 得出有吏教之買此書恐嚇莊氏莊氏欲應之或曰
 踵此而來盡子之財不足以給不如以一訟絕之遂
 謝之榮之榮告諸大吏大吏右莊氏不直之榮之榮
 入京師摘忌諱語密奏之四大臣大怒遣官至杭執

莊生之父及其兄廷斌及弟姪等并列名於書者十
八人皆論死其刻書鬻書并知府推官之不發覺者
亦坐之發廷鑑之墓焚其骨籍沒其家產所殺七十
餘人而吳潘二子與其難方莊生作書時屬客延子

一至其家子薄其人不學竟去以是不列名獲免於
難 謙案潘力田與吳赤溟同草初明史以實錄為
綱領凡志乘文集墓銘家傳有關史事者以類相從
稽其異同核其虛實為國史攷異一書頗有稱許之
者所著又有松

陵文獻若干卷 由汾州歷聞喜縣之裴村拜晉公祠

徐取道蒲州入潼關游西嶽太華過訪王山史宏撰

於華陰 元譜山史名宏撰字無異華陰人明諸生康
熙戊午以鴻博徵不赴者學好古收藏法書

名畫金石最富居於華下有讀易廬撰易象圖述及
山志砥齋集 穆案廣師云好學不倦篤於朋友吾
不如王山史先生又有送韻譜小帖手蹟云王無異
名宏撰一字文修號山史住華陰縣西嶽廟南小堡

丙故少司馬公之子 至西安 元譜 穆案長安詩
關中聲氣之領袖也 云積雨乍開襄淩其

秋已半是先生以 游富平館李子德家 徐譜見寄
八月至西安也 劉大來詩

注 又西至乾州 徐譜 十月過訪李處士中孚於盤屋

遂訂交 元譜處士名容字中孚盤屋人少孤力學經
傳徵不赴當事強迫之昇至近郊操刀欲自戕始得

謝病歸 穆案處士生於天啟七年丁卯少先生十
四歲二曲集處上年譜云癸卯十月朔東吳顧甯人
來訪甯人博物宏通上下古今靡不辨定既而歎曰

堯舜之知而不徧物急先務也吾人當務之急原自
有在若舍而不務惟驚精神於上下古今之閒正昔
人所謂拋卻自家無盡藏沿門托鉢效貧兒也甯人
為之憮然又廣師云堅苦力學無師而成吾不如李

中孚往驪山訪明宗室存杠 元譜存杠字伯常存杠命

子烈及甥王太和受業

徐譜案先生後有寄伯常並二門人詩 穆案王山史山

志青門七子皆宗室之賢而篤於學者也各有詩文集卓然成家余所及與之游者子斗翁而已亂後數往省之翁亦喜余嘗對人有松柏之譽翁子伯嘗存枉年長於余以翁與余善而待余以執友之禮甚恭然余固尊事翁不敢以鴈行進也嘗與顧亭林言及亭林入青門特訪其家時翁已歿見伯嘗索翁著作讀之因爲之序今伯嘗亦歿其出關至太原元子孫昌楊氏蓋從翁之母姓也

先生答汪荅文書云年過五十乃知不學禮無以立之旨又與人書云某自五十以後篤志經史其於音學深有所得今爲五書以續三百篇以來久絕之傳而別著日知錄上篇經術中篇治道下篇博聞共三

十餘卷

徐譜荅文號純翁長洲人順治乙未進士由主事召試鴻博授編修著有堯峯詩文鈔

穆案荅文生於天啟四年甲子少先生十一歲

是年詩有元旦一首霍山一首女媧廟一首晉王

府一首贈傅處士山一首訓傅處士一首陸來復

述代許曦草疏攻鄭鄆事一首詠史一首李克用

墓一首五臺山一首訓李處士因篤一首送申公

子涵光一首

穆案送韻譜小帖云申胤盟名涵光永年人太僕公之長子今庶常隨叔

之兄也太僕公甲申殉國難案太僕公名佳允諡節愍隨叔名涵盼順治辛丑進士胤孟著有聰山集
訓史庶常可程一首
元譜可程字赤豹大興籍祥符人崇禎癸未進士閣

部可法同祖弟京師陷可程降賊賊敗南歸可法請置之理福王以可法故合養母可程遂寓南京後寓宜興閱四十年乃卒 穆案審視王致可法書所云入關破賊識介弟於清班者謂可程也

祭吳潘二節士一首寄節士之弟末一首 元譜末字次耕

號稼堂康熙己未以布衣試鴻博授檢討受業於先生又得王錫闡及兄樺章之傳凡詩古文歷算聲音之學罔不窮極根源著有遂初堂集 穆案次耕生於順治三年丙戌少先生三十三歲

官谷一首蒲州西門外鐵牛一首潼關一首華山

一首驪山行一首長安一首乾陵一首將去關中

別中尉存杠於慈恩寺塔下一首

作五臺山記裴村記復庵記貞烈堂記朱子斗詩

序 穆案靜志居詩話詭泮秦愍王九世孫有集才情橫溢極為富平李孔德所稱覽其祀竈干一百二十字雖未悉工而浩漭不可及也

三年甲辰五十二歲

正月五日至蒲州之榮河游后土祠適汾州 元譜穆案金

石文字記今汾陽有大相小相二村相里氏之後尚有數十家因攷北齊寺碑題名多相里氏至今千有餘年而裔孫猶居於此不獨晉俗淳樸而山谷之險猶足以自保故能累代不遷若山東河南則兵火之餘人民散亡欲求元時遺族已寥寥不可見矣 自大同至西口入都 七

月至昌平四謁天壽山奠懷宗櫬宮 至河南輝縣

訪孫夏峯先生 元譜穆案先生丙午年送韻譜小帖云孫徵君名奇逢字啟泰容城人

今住輝縣萬厯庚子舉人今年八十三河北學者之
 宗師也 元譜夏峯先生年十七領鄉薦嘗參高陽
 孫承宗督師關門軍事與左忠毅魏忠節周忠介相
 善天啟末三公忤逆奄相繼逮繫先生拮据調護供
 橐饋遺弟奇彥同鹿監軍善繼子馳書督師求援督
 師因上疏以邊事請陛見都門喧傳與兵至闕逆奄
 聞之繞御牀泣督師方抵通州降旨勒回諸公遂不
 免崇禎丙子容城被圍設方略拒守城賴以全事聞
 特詔褒嘉寇氛漸逼移家五峯順治初復移家輝縣
 之夏峯生平讀書談道務為聖賢之學兩朝徵聘凡
 十一次輒堅謝不出康熙十四年卒年九十二

返至泰安州度歲元譜

是年詩有后土祠一首龍門一首自大同至西口
 四首有事橫宮一首贈孫徵君一首

有謁橫宮文

四年乙巳五十三歲

由泰安至德州復回濟南置田舍於章邱之大桑家

莊元譜先是章邱人謝長吉世泰負先生贊若干至
 是以田產償焉謙案靜志居詩話謂先生兵後盡
 鬻其產寄居章邱別治田舍久而為土人攘奪者此
 也又先生甲寅年有刈禾長白山下詩案長白山在
 章邱長山二縣之交刈禾處即桑家莊產業也

秋至曲阜再謁孔林游闕

里元譜與顏修來光敏訂交穆據手蹟補札見丙午
 熙丁未進士官吏部考功司郎中著有樂圃集

是年詩有訓程工部先貞一首元譜先貞字正夫

郎紹孫以祖廕厯官工部員外郎濟南府志工部
 告病歸家居二十年以扶風教崇簡樸相勗勉里

中節義之事搜采成祿年六十七豫製一棺題曰
休息庵所著有燕山游稿蕙庵詩草若干卷

案復社姓氏先貞
名列德州弟一

有與修來手札云詩本音二册送上中有駁正者
乃衛太史筆也此書未定不必鈔錄只將坊刻詩

經一本圈注其不合及太瑣碎者置之可也更乞
教正為荷底事一有信即求示之穆案此札以丙

午札推之知當在此年蓋與修來初識面時也衛
太史名既齊字爾錫猗氏人康熙甲辰進士

又柔手蹟向藏修來先生家頃歸湖北荆宜施道陶
君樑所穆於戊戌春獲觀錄副存之後凡言手蹟

及手札者皆同

五年丙午五十四歲

春由大桑家莊過兗州穆據手蹟補至廣平之曲周游

太原時秀水朱錫鬯彝尊客晉藩署過訪先生於東

郊因與訂交元譜謙案彝尊字錫鬯號竹垞以布衣試鴻博授簡討徐譜案竹垞年譜康熙

熙四年初至太原五年春客山西布政王公顯祚幕

其年二月游晉祠三月游風峪先生贈詩言殊域送

良辰又云草沒青驄晚霜浮白墮春則相見必於春

也穆案竹垞生於崇禎二年己巳少先生十六歲

廣師云文章爾雅宅心和厚吾不如朱錫鬯

南海屈大均亦自關中來會

元譜曝書亭集注屈五少為番禺諸生名紹隆謙案

屈字介子一字翁山為僧名今種字靈一後加冠巾

池北偶談屈介子適秦隴與秦中名士李因篤輩為
友作華岳百韻固原守將某見而慕其才以甥女妻
之自固原攜妻至代州上谷再游京師下吳會自金
陵歸粵徐譜健庵有懷舅氏詩云自別維亭二載
餘風塵驅走近何如健庵曾游太原
疑是時與先生相遇也維亭俟考

出雁門

元譜

案重至代州詩云雁門春草碧且復過滹沱蓋在三月杪也 適應州 重過大同

遇故代府中尉俊晰訪李子德於代州牧陳祺公上

年署元譜上年字祺公清苑人順治己丑進士與子德輩二十餘人旬費

墾荒於雁門之北元譜案先生與潘次耕書有云近稍貸貲本於雁門之北五臺之東

應募墾荒闢草萊披荆榛而立室廬又云彼地有水而不能用當事遣人到南方求能造水車水碾水磨

之人與夫能出貲以耕者又云北方開山之利過於墾荒畜牧之獲饒於耕耨云云 穆案據王山史山

志則子德即 入京師復往山東游泰山謁天慶宮 以是年返秦

十月著韻補正成 至兗州守署度歲元譜兗州志

此年知府為彭繩 是年公肅甥復原官未任以父 祖貢生黃安人

憂歸穆據有懷堂集補

是年詩有寄劉處士大來一首元譜處士無攷玩詩中云云蓋山左

人而嘗客代 州牧幕者 朱處士彝尊過余於太原東郊一首

屈山人自關中至一首重過代州贈李處士一首

出雁門關一首應州二首重至大同一首元譜日知錄九

族一條自注余丁未歲在大同遇代州中尉俊晰年近五十攷其世次於孝宗為昆季云云案先生游代州在丙午年丁未則未嘗至代編年詩集系此詩於丙午原自符合或日知錄誤寫作丁未耳

得伯常中尉書卻寄一首

作聖慈天慶宮記韻補正序

是年先生有寄顏修來手蹟云去秋得接光塵恨
首路匆匆未獲信宿之畱以聆微言而商大業至
於四方同人遙相問訊無不仰贊宏才以為今代
復有知十之姿庶幾之品也仲春偶過兗署未得
親詣闕里再侍雅譚專俾齎所刻韻譜呈正大方
至前日所留詩本音稿係未改定之書其中有舛
誤者拈寫二條附上閱過粘卷內付還它日當攜
全書奉觀更求指誨耳率爾未盡 徐譜以此札
系之四年乙巳去秋得接光塵下附案云前札云
卽過兗州又云諸容面悉必修來於去秋自關中
歸交與先生晤也穆案先生以韻譜寄人是一時
事據送書小帖云孫徵君今年八十三知必是丙
午云去秋得接光塵者先生於乙巳秋謁孔林游
關里與修來相晤也蓋前札雖云卽過兗郡而實
於泰安度歲
未卽踐言耳
又一通云捧讀大筆清新嫵逸逼似唐入所謂不
意永嘉之末復聞正始之音者矣舊刻二册乃五

六年前作中有誤韻幸為藏之河北關中書共
六書馳上姓氏居址別開一紙煩照單分致

又一通云昨枉顧以上人不在率爾慢去殊深不
安統俟文旄東過面頌并求惠示西征大作耳長
路關山濁溼清渭千維珍重且起作書
數千字恐使人來取勿勿遂不能詳

又一通云魯公書家廟碑多寶塔碑爭坐位帖俱
在西安府學俗所謂碑洞者其所書郭敬之家廟
碑在布政司內奉使蔡州題字并石刻像在同州
臧懷恪碑在三原縣碑洞中石經及漢唐字但有
錢卽可買不必用官府惟各州縣古碑非官府不
能致然多是唐碑惟郃陽曹全碑極佳其他若麟
游之九成宮碑長武之虞恭公碑俱佳若多印得
曹虞二碑各一幅見惠最感 穆案以上三札當
在修來倣裝
西征之時

又一通云弟以今六月至鴈門時李君天生自關
中來言修來社翁在方伯署中不多會客初秋入

都而徹鄉沈繹老亦自關中來交相推許計太華終南之勝二峭函谷之阻周秦漢唐之蹟並已收載之行笈矣山史兄楊王兩徹門人並得一見否石珍社翁想閉戶著書臥遊五岳胸中當別具一邱壑而鴻文大製日新富有則兩君固並驅中原矣弟頃至岱下俟主人之歸即過竟郡先此奉候并問秦中諸子消息所留詩本音乞付下已大加刪改將以新本就正也諸容面悉不既百一穆案徐譜以此札系之三年甲辰以元譜證之蓋前札在春末此札在冬仲也所云六月至鴈門乃重至大同時事所云楊王兩門人者據送韻譜小帖云楊伯常名謙故王孫也往西安府南八里大塔堡內大塔者慈恩寺塔也或駕在藩司署中則求於到日即遣人致之又云共書六封各送韻譜一本伯常則二本故有七本案楊氏何以為故王孫以字伯常及住大塔堡攷之蓋楊謙即朱存杠鼎革後變其名氏也大塔即前與存杠別處獨寄韻譜二本者存杠之子烈甥王太和皆受業於先生

所謂楊王兩門人也沈繹老者沈荃字貞蕤號繹堂華亭人順治壬辰翰林又案頃借得王山史

山志有云伯嘗劾其子孫冒楊氏喜臆測之不爽也詳見癸卯下

又一通云大作清勁無一俗筆太華伊闕諸作為集中第一思悲翁戰城南亦有白傅諷諭之遺意

大雅之音將復起於今日矣敬服敬服元稿返上略商數字識以浮票未知有當否諸容晤悉 穆案此上二札當在西征既還之後

又有不得其年與事者三通附載於此一通云仙舟一晤良豁積懷王程靡及不獲攀畱信宿以罄願言猶為耿耿耳所寄書版乞付去俾家訓如命勘正容於秋仲入都面奉率此附候不悉

又一通云昨出抵暮始歸承駕左顧失迂為罪家訓勘畢送上并用硃筆以便一覽即得幸為另鈔一本仍乞原

本見賜感感

本見賜感感

又一通云弟纔至城中尙未拜呈老社翁須兩三日以未申二時過我則得晤矣大才何藉弟筆想未見刻啟耳附上一紙不盡

六年丁未五十五歲

春雷竟李署刪訂近儒名論甲集

穆補先生與修來手蹟云弟向日

錄有古今集論五十卷頃竟李劉年翁延弟至署刪取其切於經學治術之要者付諸梓人名曰近儒名論甲集因此淹雷尙有旬月如貴地友人家有鄴架之藏欲一就觀且得以晤言講習尤幸事也日下欲借唐荆川稗編第一套鈔錄幾首未知可轉覓否大小阮才名已達之當事如便中至郡可投一刺極相企慕也新詩并乞惠示以便奉揚休譽燭下草此附啓不盡 穆案竟州府志同知表劉澤遠恩貢安化人康熙八年任所謂竟李疑即其人八年或六年之謫或先題署後實任未能臆決也修來即以此年成

進士足證編書爲正二月閒事 徐譜大小阮才名者修來與叔伯珣俱有時名也穆案伯珣字季相明河間府知府允紹次子以陪祀特授壽州州同修復芍陂之利工詩古文著有祇芳園集 南歸

至山陽主王起田家 開雕音學五書於淮上張力

臣昭父子任校寫之役

元譜力臣山陽諸生號亟齋以賣書畫爲生尤精六書之

學貧而著古多集金石文字有昭陵六駿圖贊焦山瘞鶴銘致傳於世許瀚案又有濟寧學宮漢碑釋文濟寧潘氏嘗刻之而所傳不廣 穆案五書後序若夫本說文正字體酌古今之間而手書之則張君昭與其二子叶增叶箕又廣師云精心六書言而好古吾不如張力臣 健庵有題張力臣小像七絕二首其次章曰奇字揚雲未渺茫茂先家法在中箱對君轉復思元歎洒淚風前誦渭陽自注力臣方爲舅氏亭林校刻音學五書 受祺堂集有寄力臣詩曰一代儒宗同所向印須金石正皇初自注謂甯人先生

時所著書多屬君校刻潛邱劄記甯人著有字書
五種託力臣繕寫授梓力臣曾寄一樣本來果博且
精不可及也
北行抵曲周拜路文貞公祠 入都從孫

思仁借得春秋纂例春秋權衡漢上易傳等書清苑

陳祺公資之薪水紙筆傳寫以歸元譜詳見鈔書自

手札云弟爲一二相知所留似須秋杪方可行昨論
鈔書者能爲弟覓二人否又一通云弟以校讎之忙

不及親叩專經走送別有一函求投入理署令叔先
生并希致知己之言不敢忘惟努力讀書以庶幾無

負相期之意也二
札疑皆在是時
東還主德州程工部正夫李刊

部紫瀾家元譜李名濤號述齋芮城合李霖瞻
浹弟康熙丙辰翰林官至刑部侍郎

是年詩有淮上別王生略一首徐譜案王略因先
生之故以女妻潘

未是年未來至山陽成昏於王氏見稼堂撰亡妻
王孺人壙誌特先生別王略時稼堂尙未至淮上

耳 贈蕭文學企昭一首順治丁酉副榜貢生四庫

書存日收企昭性理譜五卷云其書大旨在於
伸程朱而闢陸王與熊賜履閑道錄所見同 拜

路文貞墓一首過程工部一首過蘇祿國王墓一

首謙案蘇祿國在東洋海中地近淳泥閣婆自古

荒服之地不通中國相傳其國分爲東西峒三

王而以東王爲尊明永樂十五年三王並率其妻

子來朝貢因並封爲國王居二十七日三王辭歸

其東王次德州卒於館遂雷葬乃遣使封其長子
爲蘇祿國王十八年西王遣使入貢十九年東王
母遣使貢大珠一重七兩有奇二十二年復入貢
自後不復至 本朝雍正五年始通貢乾隆十九
年請三年一貢奉 旨五年一貢由
福建巡撫代題自廈門入境達京師

作音學五書序程正夫詩序

是年六月陳祺公重刻廣韻於淮上

王山史山志
李子德當得

廣韻舊本顧亭林言之陳祺公託張力臣為鋟木
淮陰此唐人所用之韻也 徐譜案潘稼堂重刻

古本廣韻序云先師顧亭林先生深明音學實始
表章此書刻之淮上然其所見乃內府刊本已經

刪削者久而覺其書之不完作後序以志遺憾穆
案先生蓋誤以宋陳彭年等重修廣韻為廣韻足

本故疑此本已經刪削也稼堂竹垞
亦同此見四庫總目提要辯之最覈

七年戊申五十六歲

春在都寓慈仁寺

徐譜慈仁寺在廣甯門大街額曰
大報國慈仁寺 穆案受祺堂集

奉荅先生贈詩五十韻有云憶折前津柳同炊古寺
羹自注前年與先生同客慈仁寺子先別去按即此

年春事蓋子德既去之後先生始聞黃培獄事東行
也道光二十三年夏何太史紹基知贛為先生建祠

堂於寺西偏隙地一區架屋三楹几筵禮器悉備歲
春秋致饗祀焉二十四年落成二月十四日辛亥公

祭穆撰文曰先生生當叔季業貫漢唐學堪為王者
師志非以名山老身甘荒遐慰九原貞孝之心時際

雲雷灑六謁園陵之淚北征初賦策二馬以來游東
道既通餽十餐而恐後咨民生之利病邑乘必搜究

阨塞之險夷邊亭親歷采山鍊冶喻半生尚論之精
勤訂韻諸聲發萬古同文之要眇况乎志存淑世費

構書堂雅慕伏波厲精田牧皋比不擁懲東林復社
之末流墨突未黔棄濂涇桑莊如敝屣惟慈仁之古

寺曾作寓公計偉節之邁行適在明日誦孔德吹羹
之句下榻何頻緬無異築室之謀顧廬宛在荆榛乍

敢觴豆初蠲規陋雲臺典同石室所覲雲車風馬胥
蠻來臨庶幾學海儒林精神不朽尚饗又五月二十

八日祭文先生行成忠孝學洞古今懲未造之蹈虛
進吾徒以考實凡今代文苑儒林之彥敬佩遺書合

頌普卷二
粵雅堂叢書

天下東俯尚友之懷思隆美報專祠式啟吉祀祇緡
敢因載誕之辰奉薦迎神之曲雖薊門卻饋痛援往
例於靈均而石室修儀展效拜經聞萊州黃培詩獄
於榮緒尚其陟降鑒此悃忱尚饗

牽連卽星馳赴鞫三月下濟南府獄元譜先生手蹟云康熙七年

二月十五日在京師慈仁寺寓中忽聞山東有案株
連卽出都門於三月二日抵濟南始知爲不識面之
姜元衡所誣姜元衡者萊州卽墨縣故兵部尙書黃
公家僕黃寬之孫黃瓚之子本名黃元衡中進士官
翰林以養親回籍揭告其主原任錦衣衛都指揮使
黃培見任浦江縣黃坦見任鳳陽府推官黃貞麟等
一十四人逆詩一案於五年六月奉旨發督撫親
審事歷三載初無干涉忽於今正月三十日撫院審
時稟稱有忠節錄卽殷頑集一書元橋如麒麟集
龍鱗字號陳濟生所作係崑山顧甯人到黃家搜得
發刻者各行原籍逮證據其所告此書中有黃御史
踪唱卿傳一篇有云家居二年握髮以終以爲但父

不會剃頭之證有顧推官疏傳一篇有云晚與甯人
游有云有甯人所爲狀在以爲甯人搜輯此書之證
不知此傳何人授稿何人親見刻板見在何處此書
得之何方而就此握髮一語果足以證已故二十餘
年黃御史之不剃頭否就此與游二語果足以證甯
人之卽顧甯人又卽搜輯此書之人否且讀邸報此
書已於六年二月會經沈天甫出首矣請略言之昔
做郡有陳明卿先生以壬戌探花官至國子祭酒好
刻古書有資治通鑒大學衍義等書一二十種行世
其子濟生亦好刻書濟生已故有光棍施明者從海
外來與沈天甫等合夥偽造此書假已故陳濟生之
名而羅江南北之名士巨室於其中以爲挾害之具
又偽造原任閣輔吳姓一序以騙詐其子見任中書
吳元萊奉旨圈議部議書內有名之人共七百名
內有寫序寫詩譏傷本朝之人五十餘名合行查
究奉旨沈天甫夏麟奇呂中逃走之施明未來之
吳石林及代主控告之葉大等合夥指造逆詩肆行
騙詐雖稱逆詩從海外帶來茫無憑據又云編詩之

陳濟生久經物故而從海內帶詩之施明又經逃走
 此等奸棍嚇詐平人搖動良民誣稱謀叛以行挾害
 大千法紀爾部即將沈天甫夏麟奇呂中葉大俱行
 嚴審擬罪具奏逃走之施明未來之吳石林俱著嚴
 行緝拿獲日也著擬罪具奏刑部審得沈天甫等供
 稱騙許吳中書銀二千兩未給將此書出首欲圖三
 品前程是實奉 旨將沈天甫夏麟奇呂中葉大四
 人於閏四月二十二日押赴西市處斬施明吳石林
 緝拿未獲今元衡所首之書一百二十餘葉與沈天
 甫之三百一十六葉者雖刪去頗多而詩即啟禎之
 詩傳即此詩之傳編造之人即陳濟生其為一書不
 問可知也恭釋 明旨不直曰陳濟生而加以又云
 二字又云者據沈天甫之所云是已故之濟生 聖
 明猶燭其誣罔而元衡欲以此牽事外之人而翻久
 定之案其南北通逆一稟云據各刻本山左有丈石
 詩社有大社江南有吟社有遺清等社皆係故明廢
 臣與招羣懷貳之輩南北通信書中確載有隱叛與
 中興等情或宦孽通好或匹夫起義小則謗讟大則

悖逆職係史臣宜明目張膽秉筆誅逆故敢昧死陳
 揭逆刻種種罪在不赦北人之書削我 廟號仍存
 明號且感憤乎嗚張虎豹乎王侯南人之書以我
 朝為東國為虎穴以偽王為福京為行在北人之書
 曰斬虜首橫廟刻部汾陽王儀傳中廟斬四軒級
 爭擁胡姬征鐵嶺鬪製詩劫鐵嶺金殺金微又有
 思漢威儀紀漢春秋南人之書有黃御史握髮一傳
 又有起義有舉事有勸衡王倡義及迎魯王浙東王
 上益王等事又有吳人與魯藩舟中密語又有平敵
 將軍有懸高皇帝像慟哭及入閩入海等事北人之
 書有含章館詩集友晉軒詩集夕霏亭詩郭汾陽王
 考傳南人之書有啟禎集即忠節錄歲寒詩東山詩
 史傲文信國集子美句百八十章其北人則黃培所
 刻十二君唱和序跋等人其南人則啟禎集所載姓
 名籍貫俱在刻本中約三百餘人是元衡之意不但
 陷黃坦陷顧甯人而并欲陷此刻本有名之三百餘
 人也不知元衡與已斬之沈天甫逃走之施明何親
 何故何以得此海內帶來之書而前唱後和如出一

口其與不識面之顧甯人刻本有名之三百餘人何
 繼何隙而必欲與黃氏之十二君者一網而盡殺之
 推其本意自知以奴告主之罪律所不赦欲別起一
 大獄以陷人而為自脫之計遂蹈於明旨所謂嚇
 詐平人搖動良民誣稱謀叛以行挾害者而不覺也
 天道神明不僭不濫今於三月四日東身詣院投到
 伏聽審鞫至教唆陷害別有其人尙容續布統惟詳
 察江南布衣顧甯人頓首穆案進士履歷便覽黃元
 衡字元璿卽墨縣籍膠州人順治己丑科會試十八
 名欽授內翰林國史院庶吉士辛卯升宏文院編修
 曾祖繼節祖寬父瓚又黃貞麟字振在卽墨人順治
 戊戌會試二百八名戶部觀政庚子授江南鳳陽府
 推官曾祖兼善廩生祖宗曉潞安衛經歷父澤庠生
 又手札云在都時極荷惓惓之愛今姜元衡坂及
 弟名具題請旨弟已赴濟南投到矣先有一札致
 譚年翁業詳此事始末念知已聞之必倍懸切謹此
 布政前沈天甫所指造陳濟生逆書有序有日有詩
 有傳原狀稱共三百一十六葉今元衡所首之書無

序無目無詩止傳一百餘葉知御中原書已燬刪去
 天甫狀中已經摘出者稱另是一書據元衡南北通
 逆情由一揭欲借此書另起大獄而雜書內有名之
 三百餘人於其中以翻主僕名分之案不知就此百
 餘葉中篇篇有濟生名則卽此一書之明證也奉
 旨爲沈天甫指造之書卽以故之陳濟生尙屬誣罔
 而况餘人乎弟敢不惜微軀出而剖白此事尤望大
 君子主持公論此札仍乞傳與譚年翁一觀并以告
 諸吳越之同聲氣者廣韻畱程宅候取不盡又一
 通云前有一函想已徹覽弟不遵明哲之訓果有此
 累今江夏之驕吝足以致敗而與之同事奈何奈何
 南冠而縶竟不得出一切詳之舟老書中惟知已爲
 之壯拯懸切懸切餘語去佞能道不悉又一通云
 弟來此區區之意尙未得少申爲歉廿四日出都前
 往歷下如有札寄示乞寫德州北李宅家報付報房
 封遞三四日可達李老先生諱源字星來原任河津
 令與弟交頗密卽爲專人齎至省城也事畢再容趨
 至九頓報至德州先到蕭宅次卽傳至李宅有二李

故稱北以別之 又一通云來諭倦倦深感愛厚所
云屢有言相致者止於舟札見之它皆未到即賦梅
者止有一札無兩札也所云但當力辯有無勿牽別
事敬如台旨箇中之書昨至德州點簡二日悉取而
焚之矣并復此中之事大抵上有求而下不應弟遂
無保出之法黃氏絕不照管債主斷絕日用艱難莊
田之麥俱為劉棍割去每日以數文燒餅度活何以
能支欲乞一問南夏諸公若天生至晉可為弟作書
促之人京持輦下一二箇至歷下必當有所濟弟已
別有字往關中矣一切統希垂照不宣舟書可互觀
之穆案子德荅先生贈詩有云客返關中路書傳感
下城自注客秋有鄉人至自濟南拜先生書 又一
通云五月十九日院審先取有同案中年老者四五
人保識黃御史曾已剃頭口供次辯政禎集中有甯
人字無顧姓又不在黃御史一篇傳內并審出章邱
地土情由惟問姜要顧甯人輯書實證無詞以對又
扳即墨老諸生杜廷交砒酸為證又展轉推問
從得書之人為萊陽縣孫榮之乃積年囚徒

并行提去矣雖未保出而是非已定此皆上臺秉公
持正及大人君子孚號壯拯之力惟有世世尸祝茲
因便羽先此奉聞 元譜衍生案云是獄為謝長吉
主峻長吉即乙巳歲坑費不償而以大桑家莊房產
作抵者是秋九月先生與長吉對簿始得開釋穆案
翁玉濤聽竹山房詩話謂亭林游濟南為一達官置
之獄蓋耳食之言非實事也子德荅先生贈詩有云
莒萊矜野語虞芮亂羈聲自注訟起因小人奪先生
田又云歛權江波大潛楊海汐輕自注時訟牒株累
多人用已結海上事 何紹基案札中所稱撫院者
宛平劉公芳躅也國史本傳公以順治七年任山東
巡撫康熙十一年始以憂去在任者二十三年嘗奏
請緝盜不得豫勒名數以防捏陷又賊證未明不得
以初供定讞又請撤山東錢局皆得 旨允行蓋仁
明君子也赴東詩序墨蹟本有撫院劉公之語後來
刻集乃刪去此節何也 徐譜案是年春竹垞至山
東客撫院劉公幕中則先生之脫於患難竹垞當與
有力焉穆案顏修來有送朱錫鬯之濟南詩曰攜手

河梁帳去塵歷山遙望柳條春訟庭尚有南冠客莫
向燕臺思故人自注時亭林以詔獄在濟南又案
札中屢稱譚年翁及舟老者譚吉璉字舟石嘉興人
明太僕卿昌言孫父貞良五經進士舟石以監生試
補宏文院撰文中書遷延安同知升登州知府鶴徵
錄引亭林語云舟石勤於讀經叩其書齋插架十三
經注疏手施朱墨始終無一
誤句我行天下僅見此人
六月十七日戌時地連

震數次自北而南聲如雷城垣顛撲文廟亦毀同時

被震者濟南兗州東昌等郡共五十九處沂州郯城

死傷尤甚元譜穆案此年山東地震事漁洋年譜
亦載之又子德奉荅先生贈詩經句喧地

坡舉國句天晴自秋從子熊來省於濟南元譜後隨
注時地震淫雨

十月獄解得釋元譜先生手札云弟於九月二十
日保出十一月十日一案之人俱已

赴院畫供想有題結之望凡所以入險能出困而不
躓者皆知已扶持之力當世世尸祝不敢以楮墨宣
矣前具近詩六章曾徹覽否屢有札與舟公托其致
感而未見一報豈其移寓或石頭之沈浮邪今有一
函乞致之近况詳之函中可共覽也旅食無依暫寄
徐玉老署中不謂有延安之陞則此中別無主人矣
萬老先生書已投似蒙注念院批取保一宿便發也
弟候 命下結案即詣都中叩謝如尚遲則俟舍甥
北上時代弟九頓台榭今來者玉老之僕屬其三屆
後走領回書函寒不莊幸宥長至日弟名正具 穆
案徐玉老者濟南府志有徐真修遷安人康熙中
由拔貢官濟南通判旋升延安同知蓋即其人

是年詩有赴東六首徐譜詩有云荏苒四五日乃
至攀髯時是訟繫時當三月

十九日也穆案子德荅先生贈詩有云
節至通蘋藻自注先生在難不廢時祭 李子德

聞余在難特走燕中告急諸友人復馳至濟南省

視於其行也作詩贈之一首

穆案子德春懷詩之第五章有云歷下東

湖青溟州歷山東望白雲樓深知鄒子繫非罪敢謂魯連排眾謀欲陟岱宗俟它日將觀滄海難久畱詠此年赴東馳救及因疾先還事也

歸元恭文鈔有與先生書云戊申春夏之交聞兄以山左縉紳相讎之事連及時適有海陵之行無從問得確耗秋間還從合甥處知兄遂不免狂獄私心憂之未幾而得所寄書及六詩讀之深歎兄之善處憂患張元節之亡命雖幸免禍君子譏之兄乃自詣獄不惟舉動光明揆之事理亦自宜爾蓋兩姓交惡而委罪於兄兄身出則事自事白則身全兄之慷慨就獄乃精於脫禍者也但不知出獄之後復栖遲何所弟前書中戲語三窟後察之亦不甚確惟濟上一窟是實而聞又為人所賣趨避免幸脫於羅將仍依此窟抑復別尋窟乎一笑六詩已和得奉覽其中迂怪不悛及江南樂止

等語初非因此事而發蓋別有為前書自言情於音韻之學者書已成弟未見及但友人頗傳兄論音韻必宗上古謂孔子未免有誤此語大駭人聽許論繁語似駭人竊無可駭有語不得其語韻深可感其樸因此度兄學益博則僻益甚將不獨音韻為然其它議論倘或類此不亦迂怪之甚者乎卻子語迂單子知其不免况又加之以怪乎此平生故人所以切切憂之願兄抑賢知之過以就中庸也向讀所寄山陵詩忠義感激使人泣下顧兄之去蹟墓十餘年矣初因避讎勢非得已歲月既久怨讎已釋且今年離家已盡室赴任更無所慮柳子厚竄南方惟以不得上邱墓為恨謂其祖先曾不若馬醫夏畦之鬼猶得享歲時之祭彼以得罪不能歸兄今欲歸其孰禦之獨無邱墓之思乎此又平生故人所懇懇於懷者和詩不免局於短篇未能盡達所懷故復及之令子定已長成曾再索三素否弟則屢抱山簡之痛方深伯道之悲也年來筆耕僅能餬口雖不開戶亦難遠遊

惟去歲爲先太僕遺集事與季侍御相商一渡長
江耳詩古文以乏人繕寫不能遠寄刻文一首呈
覽立齋太史北上草此
附候便羽幸惠德音

顧亭林先生年譜卷二

譚瑩玉生覆校

